

# أسرة المعتقل "أحمد الخطيب" تستنكر نقله من المستشفى للسجن مرة أخرى رغم عدم اكتمال علاجه



الثلاثاء 9 مايو 2017 05:05 م

هذا ما كتبه أخت المعتقل "أحمد الخطيب" الذي يعاني من مرض خطير ، وطالب العديد من المنظمات الحقوقية ومن بينها مركز الشهاب نقله للعلاج لتدهور حالته :

"النهاردة طلع قرار بنقل أحمد من مستشفى حمايات العباسية للسجن ثاني كل المؤشرات بتقول إنهم بيدور إزي يقتلوا أحمد بالإهمال الطبي .

الخبر بالنسبة لنا كان صدمة متخيلين !!!!  
أحنا كلمنا ناس هناك عشان يفهموا في ايه قالولنا أن " إنكم أتعالج خلاص وكان بيتدلج دا كله "

نسأل نقول أحمد ليه حيتنقل يقالوا أتعالج طب فين التقارير اللي بتثبت علاجه احنا والله هنفرح لو طلع فعلا أتعالج ومش عايزين اكتر من كذا فياريت تعرفونا يقولوا مافيش تقارير طب ليه مافيش تقارير طالما أتعالج زي ما بتقولوا مافيش إجابة ولا فيه رد طب الطحال ووزنه والكبد اللي اتمدروا من المرض اتعالجوا اه طب فين التقارير مافيش طب المرض أتعالج ف شهر واحد او أقل اه طب فين التقارير مافيش تقارير يبقي عايزين تموتوا أحمد زي كريم ومهند .

طب عليمأ أحمد ما ينفعش يرجع السجن ثاني خاصة وادي النطرون لأن ده اللي جالوا فيه المرض وسهل يرجع ثاني له ده لو إفترضنا إنه أتعالج يعني لأن جسم أحمد المرض كان أتمكن منه خلاص ودمر المناعة والطحال

الداخلية نزلت بيان تهدي الناس بيه ومنفرتش اللي قالتوا إنها معندهاش مشكلة تنقل أحمد مستشفى خاصة بس العائلة تقدم طلب ورغم إننا مشينا ف كل الطرق وكل الحلول علشان أحمد بس يتعالج وموصلناش لحل ولا نعرف أحمد أتعالج ولا لا ولا نعرف ليه الداخلية رفضه هي والمستشفى تدينا تقارير طالما أتعالج بس كل اللي نعرفه وعن خطوات حصلت وحالات تشبه حالة احمد وماتوا زي كريم مدحت ومهند اللي اتقتلوا بالعمد بالإهمال الطبي .

بمعني مافيش تقارير وحينقلوا أحمد السجن رغم إن خطر ده يحصل يبقي كل المؤشرات بتقول إن حالة مهند وكريم ممكن تتكرر ثاني بسبب إهمال الداخلية وإستهتارها ب حياة البني آدمين كذا .

ليه مصممين علي قتله زي مهند وكريم .. ودي صورة أحمد ف المستشفى متخيلين حيرج السجن وهو بالشكل ده حيرج ينام ع الارض ووسط المساجين و مناعته مدمره وصحته بالشكل ده طب إحنا عايزين أحمد يعيش يعيش بس مش عايزين تنحسر عليه زي اللي راحوا وماتوا بالإهمال الطبي تضامنوا مع حق أحمد الدستوري بلاش الإنسان طالما حقوق الإنسان هنا بتزعلهم[]"

ومركز الشهاب لحقوق الإنسان يحمل مسؤولية سلامة المعتقل لوزارة الداخلية ومصلحة السجون ويطالب بحق المعتقل القانوني في العلاج المناسب ، والمعاملة الإنسانية